

產在北海中便可採作大丹之基矣故曰含元虛危播精於子此言水火既濟以產大藥與前金木交并原是一段工夫蓋子南午北互爲綱紀日月之體也龍西虎東建緯卯酉兩弦之用也乃其合併之妙全在互藏生殺之機只憑反覆一時沐浴頓圓和合四象之功當與上三家相見章參看

陰陽交感章第三十

關關雎鳩在河之洲窈窕淑女君子好逑雄不獨處雌不孤居立武龜蛇蟠蚪相扶以明牝牡意當相須假使二女共室顏色甚姝蘇秦通言張儀結媒發辨利舌奮舒美辭推心調諧合爲夫妻弊髮腐齒終不相知若藥物非種名類不同分劑參差失

道藏輯要

參同契
闡幽

李

虛集二

其綱紀雖黃帝臨爐太乙執火八公搗煉淮南調合立宇崇壇玉爲階陛麟脯鳳腊把籍長跪禱祀神祇請哀諸鬼沐浴齋戒妄有所冀亦猶和膠補釜以滷塗瘡去冷加水除熱用湯飛龜舞蛇愈見乖張

此章言真陰真陽同類相感方成金丹大道也

關關雎鳩在河之洲窈窕淑女君子好逑雄不獨處雌不孤居立武龜蛇蟠蚪相扶以明牝牡意當相須

此節言陰陽之相感各以其類也一陰一陽之謂道孔子著之繫辭偏陰偏陽之謂疾岐伯著之素問蓋從上聖師俱用真陰真陽同類之物以超凡而入聖所以易首乾坤明陰陽

不易之體詩首關睢喻陰陽交易之用卽世法而論睢鳩匹
偶發好逑之章一雌一雄之相應龜蛇蟠蚪成元武之象一
牝一牡之相須也龜蛇配北方元武固屬坎象睢鳩配南方
朱雀確有離象吾身中天元地牝之所以交坎男離女之所
以合亦何以異於是哉若洞明世間之法卽知出世法矣
假使二女共室顏色甚姝蘇秦通言張儀結媒發辨利舌奮舒
美辭推心調諧合爲夫妻弊髮腐齒終不相知

此節喻言獨修一物之非道也在易道坤與乾匹離與坎匹
巽與震匹兌與艮匹皆是一陰一陽各得其偶方成交感之
功至於上火下澤以兌遇離兩陰相從便名睽卦夫子翼之

道藏輯要

參同契
闡幽

空

虛集二
X 8 1

曰二女同居其志不同行可見二女共室以陰求陰卽逞蘇
張之舌媒合爲夫婦亦必終身不能相諧矣獨修一物是孤
陰此之謂也

若藥物非種名類不同分劑參差失其綱紀雖黃帝臨爐太乙
執火八公擣煉淮南調合立宇崇壇玉爲階陛麟脯鳳腊把籍
長跪禱祀神祇請哀諸鬼沐浴齋戒妄有所冀亦猶和膠補釜
以滴塗瘡去冷加水除熱用湯飛龜舞蛇愈見乖張

此節正言非同類之物必不能和合成丹也何謂同類離中
命蒂坎中性根一陰一陽方是真鉛真汞世人不悟真鉛真
汞產在先天無有形質却去覓後天渣滓之物三黃四神五

金八石無所不至是謂藥物非種名類不同即使知有藥物
矣不能知採取烹鍊之法是謂分劑參差失其綱紀此等愚
盲小人不求真師指授不明伏食大道妄意爐火偽術可以
僥倖成丹終年役役耗損家財兼之結壇祭鬼禱祀求神冀
獲冥助不知此卽神聖爲之臨爐仙真代之搗煉亦必萬舉
而萬敗矣彼外鍊之術藥物既非真種配合必非同類譬之
以膠補釜以溷塗瘡無一毫相似處且天下冷莫如冰熱莫
如湯龜不能飛蛇不能舞人所共曉也今去冷而反加水除
熱而轉用湯執龜而責之飛執蛇而強之舞其於水火互藏
之性龜蛇相制之機乖張愈甚背戾可勝道哉非種之謬何

道藏輯要

參同契
關幽

卷

虛集二
× 1 8

以異此蓋大道不離陰陽陰陽只是性命性命兩者同出而
異名本無二道在羲皇之易爲一坎一離老子之經卽一無
一有向上直截根源片言可了只因後來丹經子書多方曲
喻轉啟濫觴之端以致流入旁門外道丹道有時喻之以男
女蓋言乾道成男坤道成女自家靈父聖母非世間有相之
男女也有時喻之爲鉛汞蓋言離中元精坎中元炁自家真
鉛真汞非世間有質之鉛汞也奈世間貪財好色之徒非惑
於採補卽惑於燒鍊更兼所遇方士種種捏怪妄引丹經欺
誑未學惑於採補者其邪謬不可枚舉大約認男女爲陰陽
以遂其好色之私耳惑於燒鍊者其差別不可殫述大約認

凡砂水銀爲藥物以遂其貪財之私耳此等邪術異端謗先
聖之大道斷後賢之真修名爲學道實則造業其爲地獄種
子無疑矣又有見理稍明立志稍正者幸不墮兩種邪術轉
而求之身心卻不知身非四大之身乃真空中妙有也心非
肉團之心乃妙有中真空也身心一如渾合無間強名曰丹
奈學人不遇真師昧於大道未免妄認四大假合爲身肉團
緣影爲心著妄身者往往守定搬精運氣偏於有作病在心
外覓身而不知真空之卽身並其所守之身亦非矣著幻心
者往往堅執坐禪入定偏於無爲病在身外覓心而不知妙
有之卽心並其所執之心亦僞矣殊不知修命而不了性壽

道藏輯要

參同契
闡幽

卷

虛集二
×××

同天地只一愚夫參性而不了命萬劫陰靈終難入聖矧妄
身幻心並其一物而亦非者乎大抵各執一家不參同類皆
所謂偏陰偏陽之疾非一陰一陽之大道也魏公作參同契
一書究大易之性情假爐火之法象印黃老之宗旨無非吐
露同出異名之兩物使大地衆生皆得以盡性致命直超彼
岸耳但恐邪術亂正不可不辨析小乘失真不可不針砭前
於養性末章已諄諄言之猶恐世人之不悟也故於此復發
明真種破盡旁蹊曲徑使萬世學道者皆舍邪而歸正去僞
而卽真上與三聖演易黃老著經同其功用矣

伏食成功章第三十一